

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXIV. Charitatis, & operæ fructus Aspeitiæ ab S. Ignatio collecti.

urn:nbn:de:hbz:466:1-10840

Cæterum stomacho prius iam cœpto restitui quām cœlum natale hausisset, rediit vna prior asperitas, præcincta nudis carnibus catena, cilicium, Agella, iejunia, & chameunia valde frequens. Ad iuuandas autem aliorum mentes, multo plus etiam roboris accessit, confessim itaque prodire, ad traddenda Christianæ doctrinæ pueris capita: nec vlla Garzia, fratum maxi- mi dehortatione, ab eo munere auerti; sed diuina luciosius tacenti obie- ctantique neminem ad futurum; respondere, se vel vno fore auditore puer contentum, & in eo docendo, bene operam omnem, se collocaturum. Verū ad vnum, vel ad paucos laborem ab eo contrahi nequaquam oportuit; frequenti corona circumdatus, hominum quoque illustrium, sua cuique credendi, ac viuendi opportuna tradebat documenta: inter quæ fa- cētum ut quæ essent pueris duobus euentura mente præcipere, verbisque indicaret; horum alter Martinus Halartius, hic vultu deformi, & lingua balbus de Cathechismo dum respondet, risum nobilibus feminis aliquando mouit; ad quas Ignatius, ridetis, inquit, simplicem puerum, nempe id solum quod oculi nuntiant de illo nostis. Sed hoc habetote, longe hunc, animo formosorem esse, quām ore deformem, & hanc eius animi spe- ciem noua semper pulchritudine decorandam: euasurum insignem Dei ser- uum, bonoque ingenti animarum illustraturum præclaris laboribus patriam. Cui vaticinio egregiè res ipsa successit vitam egit in clero sanctam, & in studiis promouenda suorum ciuium salute quamdiu vixit strenue actuo- sam. Alterum octennem Franciscum Almarium mater Ignatio sistebat po- stulans enixe ut benè illi precaretur, posceretque à Deo ad Matris sola- tium, & leuamen seruari eum incolumem; defixis in illum Ignatius, tantisper oculis, tum ad matrem conuersus. Bono animo sis, nam hic, inquit, puer, & futurus est æui longioris, & multorum pater liberorum. Quod sic ad amissim vtrumque exactum est ut quindecim parens filiorum, octo- gesimum ætatis attigerit. Ter quothebdomadis præter dies Festos, de me- ridie dicebat ad populum, et si lenta semper exhaustus febricula, produ- cebatque concessionem in duas, non unquam & tres horas, labore validioribus etiam vix tolerabili; nempe animi ardor, Deique auxilium prorsus sin- gulare infirmitatem virium incitatbat. Is erat populi vndique concursus ut capi nullo templo posset, dicendūque erat sub aperto cœlo, sed vocem & latera supplebat euidenti, miraculo Deus; trecentis enim passibus semoti æquè ut proximi distinctè audiebant, tametsi languide, & ægro anhelitu diceret. Verū apud me haud paulò magnificenter miraculum id fuit quod prima sua patruuit concione, qua magno doloris, & pudoris sensu causam exposuit sui in patriam regressus, qua se tam pridem in perpetuum abdicarat, acrem videlicet, cumque continuum conscientiae mortum fur- do verbere reprobrantis, quæ olim iuuenis, & vita solutior peccandi exempla de se illuc dedisset, delenda sibi esse melioribus exemplis: ex quo illinc abiisset, illorum à Deo venia, lacrymis, & sanguine, poscenda nun- quam abstitisse; darent ipsi quoque petenti veniam, & per eam quæ soler,

XXIV.
Charitatis,
& opera fru-
ctus Aspeiti
ab S. Ignatio
collecti.

rcos infelices , suūque similes prosequi pietatem, suas secum iungerent apud Deum preces , ad eluenda ex parte nomina quibus illi plurimis teneretur : si qui vero adessem quibus offensioni quondam fuisse peccans , saniore consilio tunc imitarentur penitentem. Subiicit deinde , iure alio strictiori reuocatum , ad restituendam homini cum pecunia famam , quorum ipsi datum creauerat ; & nominabat hominē designabātque cōcioni tunc temporis præsentem,hic enim aiebat,planè insons, coniectus in carcerem pecuniae est. damnatus,ad sarcinda horti damna , clam à me, ac mei similibus stultis iuuenibus dērepti quorū ipse falsò insimulabatur. Nunc illius ut innocentiam, sic meum id crimen volo esse omnibus testata,& pensando quod iridē passus est detimento,quæ mihi supererant possessiones duas vobis quicumque hīc adestis publicis testibus mancipo,& qua iusti debiti,qua si dēbitum excedunt gratuiti nomine configno.Iam verò quod tulit ex animorum cultura pretium, ardenti operæ eximè respondit.Primum Cleri mores restituit miserabilem in modum dissolutos,nam multi etiam Sacerdotes,suas domi alebant concubinas , & quidem sacrilegio tam effronti vt vxorum ornatum locorum illorum proprio eas induerent;hos ergo sibi,& castimoniae reddidit,tanto ministerio exhibenda. Ludendi libidine, iactura temporis, salutis , & familiarum infamem , cum exagitasset ; toro inde sequenti triennio , nec tesserae , nec lusoria folia Asperita visa sunt , antea etiam vbi contra illa dixisset , in vicinum flumium vt author fuerat , proiecta. In cultum vestium inanem , & periculosum seminarum ornatum cum inueheretur , exortus est ingens earum fletus quæ malè conscientia cädenda facie , dissipandōque capillatio , & abiciendo inani mundo, penititudinem animi peracerbam prodebat. Decem illos dies qui à Pentecoste , Ascensionem diuidunt , explicandis Decalogi præceptis singulos dicavit , eo quidem successu , quo prius in eos qui aderant Spiritum sanctum accenseret quam solemnis eius ad quem illos parabat dies appeteret : altero enim illorum dictum falso , vaseque iurandi confutudinem aboleuit , quæ longo abusu familiaris iam inoleuerat. Sexto verò die aliquot meretrices ad pudorem reduxit , sed eo profligatæ vita horrore confixas , vt sibi non satisfacerent , nisi eiusdem dedecoris socias in viam retraherent. Ex iis tres relabendi metu , & desiderio luendarum vt cumque ex parte aliqua poenarum quas erant commeritæ pedites in longinqua peregrinatae sunt ; alia cum vires ad idem deerant , in nosocomio , ægrotarum ministerio vitam omnem dicavit: Opus quoque fuere Ignatij, sodales augustissimi Sacramenti,nam illos instituit , & curæ pauperum præfecit quos à victu querendo pudor ingenuus absterreret ; quam in rem de suo summam attribuit bene grandem cuius censum rectores illius oppidi ministrant : ex quo illius dispensator quibuscque Dominicis , stipem pauperibus diuidit. Vsum præterea induxit , meridianæ precis , pro iis quos culpa lethalis obstringeret , quod ne sensim in neglectum abiret , mercedem ei constituit , qui artis publici stato pulsu orandi populo signum daret. Preparationem serotinam pro defunctis dilapsam reuocauit. Fratris domui pium hoc

hoc onus imposuit, vt Dominicis diebus panes duodecim, pauperibus totidem distribuerentur ad recolendam Apostolorum memoriam. Demum Aspeitia quæcumque optauit in Dei obsequium fieri, perfecit, hac enim clausula totum sui examen eius oppidi testes collegere, ad hæc verò, præter charitatem agendo strenuam, plurimum contulit, existimatio quam de illius sanctitate Deus excuerat, editis illius operâ multis clarisque prodigiis. Pertracta est ad illum procul, à quadriennio iam arreptitia, cui adhibitæ solenni ritu execrations id solum egerant ut agnosceretur verè à Dæmone occupari, eius nempe liberationem Deus Ignatio seruabat, qui manu capiti eius imposta cruce tantum signatam, à maligno Spiritu integrè absoluīt: tam prompto permoti miraculo nonnulli, aliam obtulerunt magnis tumultibus valide furentem, & eam ob causam pro energumena creditam; hanc vt vidit vir sanctus, diuino instinctu certò afferuit haud quaquam à Dæmone possideri, sed exterreri ab eo imaginibus horrendis, quibus in eam insaniam ageretur, & hanc pariter crucis signo ab ea vexatione liberavit. Plus habet admirationis mulieris sanitas eo usque iam tabe consumpta ut ægrè se trahens, in horas animam actura videretur. Precenti vt sibi benè precari dignaretur, negauit Ignatius facturum quod Sacerdos non esset, & eius adprecationis officium ad Sacerdotes pertineret; Cef sit tandem modestiæ charitas miserabilis feminæ, & adstantiū precibus coacta. Sua ergo illa benedictione, tantum ipsi vigoris, ac virium infudit, vt Gamaram patriam ex quo illuc pago delata fuerat, per se repeteret, nec ita multo post huic suo se sancto medico bellè valens denuo sistret, cum grati animi teste munusculo, fructibus aliquot, quos ne tristem ab se dimitteret, admisit Ignatius, & in nosocomij pauperes tribuit. Illud forte mirabilius ab eo præstitum comitali morbo laboranti; degebat eodem in quo Ignatius S. Magdalena in nosocomio, eius nomen Bastida, frequenter mali impetu allidente lapsus, quibus aliquando cum præsens adesset vir sanctus, misertus hominis, in cœlum suspexit, missaque illuc pro eo precatiuncula, iacentis frontem manu pressit. Hic verò tactu benefico excitatus ad se redit, surgit, nec unquam postea dum vixit, eius morbi accessu tentatus est. Neque uni tantum ipsius tactui vis salutifera inerat, sed etibus etiam quæ essent in familiari eius usu: id in muliere, emortuo brachio planè capita luculentum fuit; Abluendos enim eius pannos cum partim studio pietatis, partim valetudinis reparande fiducia poposcisset, eorum contactu momento conualuit. Verum interea dum in aliorum salute reparanda, miracula edit Ignatius, placuit Deo ad eius cumulum meritorum, patientiæ exempla in eo edere, eumque lecto affigere, ut nosocomio ad sui etiam curationem vteretur, cuius tantam gerebat pro aliis curam. Nam preces Gatzia ipsius germani, & obtestantium agnatorum suasiones primo estæ, nihil plus ponderis habuere, ad eum Loiolam hac occasione ex nosocomio auellendum, quam cum venit Aspeitia habuissent. Quare pietatis & amoris officio ut satisfacerent, illuc eum adibant, ut iacenti

S. 3 adessent;

adessent, in iis Maria de Oriola, & Simona de Alzaga ipsius sobrinæ dum noctes aliquot excubant spectatrices fuere rei admirandæ, nam cum aliquando ad quietem aliquam recessuræ, accensam in omnem euentum candalam relinquenter, extingui iussit, monens, importunius obstantes, si quid contigeret, lumen sibi à Deo minimè defuturum. Extincta igitur candela abeunt, ipse cuius ad agendum cum Deo animus ex benè an se-
us habito corpore minimum pendebat, mentem applicat ad orandum in quo dum horas aliquot traducit igne illo beato diuini amoris cœpit vehe-
mentius ardere, quem olim expertus fuerat, utque alias, non satis eius
flammarum compos, laxare pectus longis suspiriis, magnisque vocibus co-
gebatur, in eiusmodi aliquos tunc etiam clamores erupit: ad eos exemplo
cognatae accurrere, cubiculum pandere, & cælesti quo totum licebat
splendore attonite stupere; nec minor Ignati cum pudore stupor, dum se ea
in luce videt inopinato deprehensum. Quare illas infimis precibus æterno
de hac re silentio obstrinxit.

XXV.

*Ignati cum
Chartusiano,
suo quai, dam
magistro de
Societate
fundanda
colloquium.*

Recreatus ex morbo, iter ad discessum comparabat, quod vbi percre-
buit, utque mox ordo, & clericorum, & populi eum obfidere, verbis, la-
crynis obsecrando, suadendo, ne se desereret, flagitare, neve ciues suos
externis post haberet; cum suos præsertim labores cerneret, nec male po-
sitios, nec eorum messem ipsius arbitrio maligne respondisse, teneri tamen
his minimè valuit, quod diceret, (& ita res erat) alio se à Deo vocari. Ob-
iiciebat præterea parum sibi Asperitiam conferre, quod perinde illuc in suo-
rum complexu velut in sæculo ageret: fuit ipsis quoque non parua lis cum
Garzia fratre, hic enim illius humilitati sancta obsecutus, licet ægrè id ab
se impetraret, ut eum fineret mendicatò, & in pauperum domo vicitare,
sperabat profecturo saltem, equum, & famulos se daturum, à quibus si
minus ulterius, deduceretur vel ad portum vbi esset in Italiam consen-
furus. Id enim ab se præter fraternum animum, decori etiam titulo exigī,
& urbanitatis apud homines confirmatae, interpretaturos alioqui haud du-
biè, illam Ignati immoderatam modestiam, duritiem Garziæ inurbanam,
eoque prouis quod annus in hiemem vergens, & corpus à morbo debile,
recidiuam ex longo itinere valetudinem minabantur. His tamen vinci, nec
Ignatius potuit, nec vicit. Admisit fratri, cognatorumque comitatum,
sed non ultra fines Cantabriæ hoc est tractu milliarium paucorum; inde
illis supremum salutatis Xauerium versus, Almazanum, Toletum, pedes
viam iniuit, explicaturus Xauerij, Lainij & Salmeronis negotia. Deinceps
Valentia Segorbem profectus suum olim Parisiis magistrum, & amicissi-
mum; illic verò tunc in Carthusia Vallis Christi professum M. Ioannem
de Castro inuisit, & pro veteri necessitudine sua cum eo consilia de peten-
da Italia, inde Palestina contulit, deque aut illic aut vbiuis monstrare di-
gnaretur Deus, stabiliendo Ordine, qui ex instituto salutem haud minus
alienam, quam propriam virtutemque curaret. Eius illi proposuit ideam,
descriptis præcipuis ex illo partibus quod catenus rude, impressum animo
cælitus